

萬全記

上



萬全記

古本戲曲叢刊五集

據北京大學藏清
康熙刊本景印原
書版匡高一九四
毫米寬一二一毫
米


湖上李笠翁先生閔定

(印章覆蓋處依次為小江東小菜子等字)

種 繡 刺 傳奇 八



富貴仙 中庸解 合歡鍾
滿床笏 雁翎甲 雙錯錦



富貴仙自序

紀事著書原欲垂諸不朽徵歌
度曲止期暢快一時奚徒練句
敲辭以相誇示况璿瑜之上杯
酒之間寄聲色人情者如夏之

雲冬之日山嵐水濺朝槿晨霜
倏忽變幻過耳觸目曾不少留
何必確然於廿一史十三經中
追徃跡耳此富貴仙之劇所由
出也句不練辭不敲惟取洽情

須臾變幻頃刻匪敢類於考鐘
伐鼓觀指畫褒貶計富也貴也
仙也人所欲而不可得也于是
乎立名於是乎恥義於是乎寄
跡於三千大千空空色色耳目

因緣中之知識也其間鋪叙繁
文悉行除抹心定實切關目三
十齣與其待教梨園刪削改抹
莫若自省筆墨各從實用如開
場前之引子原不用者竟去矣

下場詩之有無隨酌應否而取
舍矣內惟合古腔闡全本之大
套曲白不得不然其餘一切無
關涉之品題極力省節總望敷
演之時照此片言不缺則厚幸

矣若責余以文理龐率宮商但
鄙不能練句敲辭則此三家村
中語不過少求刹那歡喜解願
幻態已也勿以出入恠誕罪我
更爲慶幸 四願居士自題

萬全記上卷

一名富貴仙

目錄

開場

回館

續讀

頑梗

遺恨

訓主

正史

別試

蠢動

明義

報錄

尚主

幽嘯

守石

壺橫

萬全記上卷

一名富貴仙

第壹齣

開場

沁園春。木下帙下豐。書衣大有。周鼎商彝。算史書實錄。春秋名義。矯誣正在。特大無私。忠憤激成。叛逆邊鄙。不能安分。雲雨荒臺起夢思。諸葛亮隆中再見。一夢全師。臨颺淋漓擊節。借讀離騷問酒卮。弼衡過鼓。無妃度曲。中郎解語。且作悲絲。山海澄清。蠻獠隱匿。萬古奇勲片刻時。鍾靈異。三男一產。萃祝願如斯。

第一願做官的皆像卜家父子

第二願內助的皆像夫人公主

第三願無賴的皆當計夢計醒

第四願有力的皆當慎終慎始

第二齣

回館

東鍾

呂南

戀芳春

生冠帶上

聖主龍飛神功獸舞靈年福應

斯蚤自愧才非班馬謬際遭逢久濫大官滋味尸鴛

列敬事難上誠惶恐看這磨經鳳紀豈同咏月吟風

集唐上陽柳色喚春歸。北闕晴雲捧禁闈。獨有鳳
凰池上客。慙朝應與世相違。下官姓卜名豐。字大
有。浙西吳郡歸安人也。周官卜氏。一源本系西河。
高第孔門。奕葉蔓延南國。先君卜本。曾拜禮部尚
書。大父天申。向任京畿御史。人稱屢世簪纓之望
族。我遵一塵不染之家風。名在清班。官持藥操。亡
母張郡君。久安窳窳。夫人令狐氏。樂守荆箕。孩兒
卜帙。別時尚未垂髫。母子家居。屈指已將弱冠。下

官忝中。先光宗皇帝朝之庚戌進士。如今又是慶
元天子禪位之四年。戊午歲了。蒙恩拔置館員。不
覺水壺十載。向奉明綸纂修國史。欽定下官爲總
裁之職。拜命那日。卽爾致書。勉勵妻子。屏遠親知。
一切往來。並皆痛絕。喜得時下史書實錄。漸次將
成。今早遵命入朝。便殿論事。極承聖人隆眷。就撤
座前金蓮寶炬送我歸來。又賜雅樂一班。許令早
晚演奏。以取浹洽天和之意。咳。人臣遭此殊遇。敢

不洗滌肺腸。克勤克慎從事。說白時。衆執蓮炬導。

從上介生。分付衆人。就此回館。衆應各行介。

一江風合。御袍紅錦煥。文章動。瑞獻朝陽鳳。氣和雍。
環珮鏗鏘聲。洽鈴鸞中。瑚璉器自工。瑤
光貫彩虹。城邊北斗都迎送。各下。

第叁齣

續讀

江陽

正

喜遷鶯

旦荆布雅粧上。篝燈續紡。任秋月春風蝶。

紛蜂攘。夫婿勸勤。孩兒砥礪。計惟白井糟糠。小生巾。